

# Oceanie

**Oceanie** e je une peraule doprade in sens stret par indicâ l'insiemit de Polinesie, Melanesie e Micronesie, une division pôc sientifiche, tirade fûr di Jules Dumont d'Urville intal 1831.

Intal fevelâ comun, e in gjenar in sens plui larc, cun **Oceanie** si intint il continent che al inclût ancje la Australie e la Grove Zelande.

## Ripartizions internis

La ripartizion tradizional de Oceanie, doprade ancje dal ONU par dividi il mont in macroregions, e divît il continent in:

- Australie e Grove Zelande
- Micronesie
- Melanesie
- Polinesie

Gjeografs e lingüiscj a preferissin invezit une division dal continent in dôs regions, su la base di criteris gjeografics, botanics, zoologjics e linguistics. Chestis dôs zonis a son:

- Oceanie dongje (inglês *Near Oceania*), cun Australie, la isule de Grove Guinee e i arcipelacs dongje, cun lis Isulis Salomon
- Oceanie lontane (inglês *Remote Oceania*) cun la Polinesie, la Micronesie e la Melanesie, fûr che par lis Isulis Salomon

La part plui grande des tieris fûr de aghe di chest continent a son in Australie, ma si dopre il tiermin **Oceanie** par fevelâ di chest continent parcè che lis aghis a son impuartantis, e a coleghin i variis tocs.

L'Oceanie al è il plui piçul dai continents e il penultin pe popolazion, prin dome de Antartide.

## Regions, stâts e teritoris

L'Oceanie e je scuasi dute formade di piçulis isulis nazionâls, cun la Australie che e je la uniche di dimension significative. Lis unichis nazions che a àn confins su la tiere a son Papue Grove Guinee e Timor Est, che a confinin cun l'Indonesie.

Lis nazions de Oceanie a son rivadis a vê nivei diviers di indipendence des vieris potencis coloniâls; o cjatin ancjemò teritoris dependents come la Grove Caledonie, teritori di oltrimâr francês o lis Hawaii, stât USA.



Mape de **Oceanie**



Posizion de **Oceanie** tal mont



Americhis



Eurafrasia



Eurasia



Oceania



Afriche



Antartic



Asie



Americhe dal  
Nord



Americhe dal  
Sud



Europe

Vielis supercontinents: Gondwane · Laurasia · Pangjee · Rodinie

Cjapât fûr di <https://fur.wikipedia.org/w/index.php?title=Oceania&oldid=156623>

**Cambiât par l'ultime volte ai 19:21, 2 di Lui 2013**

Il test al è disponibil daûr la licence Creative Commons Atribuzion-Condîvîr te stesse maniere; al è pussibil meti cundizions ulteriôrs. Cjale lis cundizions di ûs par i details.